



**ШЕСТАЯ НЕДЕЛЯ ВЕЛИКОГО ПОСТА.
ПОСЛЕДОВАНИЕ ДОМАШНЕГО МОЛИТВЕННОГО
ПРАВИЛА**

ХРАМ СВЯТИТЕЛЯ НИКОЛАЯ УГОДНИКА В ТУЛУЗЕ

УТРО

Начальные молитвы

Царю Небесный, Утешителю, Духе истины, Иже везде сый и вся исполняяй, Сокровище благих и жизни Подателю, прииди и вселися в ны, и очисти ны от всякия скверны, и спаси, Блаже, души наша.

Святый Боже, Святый Крепкий, Святый Безсмертный, помилуй нас. *(Читается трижды, с крестным знаменем и поясным поклоном.)*

Слава Отцу и Сыну и Святому Духу, и ныне и присно и во веки веков. Аминь.

Пресвятая Троице, помилуй нас; Господи, очисти грехи наша; Владыко, прости беззакония наша; Святый, посети и исцели немощи наша, имене Твоего ради. Господи, помилуй. *(Трижды).*

Слава Отцу и Сыну и Святому Духу, и ныне и присно и во веки веков. Аминь.

Отче наш, Иже еси на небесех! Да святится имя Твое, да придет Царствие Твое, да будет воля Твоя, яко на небеси и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

Господи Помилуй *(повторить не спеша 12 раз):*

Далее необходимо перейти к утреннему последованию дня (Например в понедельник, после прочтения начальных молитв, нужно продолжить молитвословия находящиеся на стр 7 и т.д)



Окончание:

Великое Славословие:

Слава в вышних Богу, и на земли мир, в человецех благоволение. Хвалим Тя, благословим Тя, кланяем Ти ся, славословим Тя, благодарим Тя великия ради славы Твоея. Господи, Царю Небесный, Боже, Отче Вседержителю, Господи Сыне Единородный, Иисусе Христе, и Святыи Душе. Господи Боже, Агнче Божий, Сыне Отець, вземляй грех мира, помилуй нас. Вземляй грехи мира, приими молитву нашу. Седяй одесную Отца, помилуй нас. Яко Ты еси Един Свят; Ты еси Един Господь, Иисус Христос, во славу Бога Отца, аминь.

На всяк день благословлю Тя и восхваляю имя Твое во веки, и в век века.

Господи, прибежище был еси нам в род и род. Аз рех: Господи, помилуй мя, исцели душу мою, яко согреших Тебе. Господи, к Тебе прибегах, научи мя творити волю Твою, яко Ты еси Бог мой, яко у Тебе источник живота, во свете Твоем узрим свет. Пробави милость Твою ведущим Тя.

Сподоби Господи, в день сей без греха сохранитися нам. Благословен еси, Господи, Боже отец наших, и хвально и прославлено имя Твое во веки, аминь.

Буди, Господи, милость Твоя на нас, якоже уповахом на Тя. Благословен еси, Господи, научи мя оправданием Твоим. Благословен еси, Владыко, вразуми мя оправданием Твоим. Благословен еси, Святыи, просвети мя оправданием Твоим.

Господи, милость Твоя во век, дел руку Твоею не презри: Тебе подобает хвала, Тебе подобает пение, Тебе слава подобает, Отцу, и Сыну, и Святому Духу, ныне и присно, и во веки веков, аминь.

Молитва Святого Ефрема Сирина:

Господи и Владыко живота моего, дух праздности, уныния, любоначалия, и празднословия не даждь ми. (земной поклон)¹

Дух же целомудрия, смиренномудрия, терпения, и любви, даруй ми рабу Твоему. (земной поклон)

О, Господи Царю, даруй ми видеть мои прегрешения, и не осуждати брата моего, яко благословен еси во веки веков, аминь. (земной поклон)

Честнейшую Херувим / и славнейшую без сравнения Серафим, / без истления Бога Слова рождшую, / сущую Богородицу, Тя величаем.

Слава Отцу и Сыну и Святому Духу и ныне и присно и во веки веков Аминь.

Господи помилуй, Господи помилуй, Господи помилуй, благослови:
Молитвами Святых отец наших, Господи Иисусе Христе Сыне Божий, помилуй нас.

¹ Для совершения земного поклона, необходимо перекреститься, встать на колени и поклониться до земли.

ВЕЧЕР

Начальные молитвы:

Царю Небесный, Утешителю, Душе истины, Иже везде сый и вся исполняяй, Сокровище благих и жизни Подателю, прииди и вселися в ны, и очисти ны от всякия скверны, и спаси, Блаже, души наша.

Святый Бже, Святый Крепкий, Святый Безсмертный, помилуй нас. *(Читается трижды, с крестным знаменем и поясным поклоном.)*

Слава Отцу и Сыну и Святому Духу, и ныне и присно и во веки веков. Аминь.

Пресвятая Троице, помилуй нас; Господи, очисти грехи наша; Владыко, прости беззакония наша; Святый, посети и исцели немощи наша, имене Твоего ради.

Господи, помилуй. *(Трижды).*

Слава Отцу и Сыну и Святому Духу, и ныне и присно и во веки веков. Аминь.

Отче наш, Иже еси на небесех! Да святится имя Твое, да придет Царствие Твое, да будет воля Твоя, яко на небеси и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.


Господи Помилуй *(повторить не спеша 12 раз)*

Господи, воззвах к Тебе, услыши мя. / Услыши мя, Господи.

Господи, воззвах к Тебе, услыши мя: / вонми гласу моления моего, / внегда воззвати ми к Тебе. / Услыши мя, Господи.

Да исправится молитва моя, / яко кадило пред Тобою, / воздеяние руку мою / – жертва вечерняя. / Услыши мя, Господи.

Далее перейти к вечернему последованию дня



Окончание

Богородице Дево, радуйся, Благодатная Марие, Господь с Тобою: / Благословена Ты в женах, и Благословен Плод чрева Твоего, / яко Спаса родила еси душ наших. (земной поклон)

Слава Отцу и Сыну и Святому Духу: Креститель Христов, всех нас помяни, / да избавимся от беззаконий наших, / ибо благодать дана тебе молиться за нас. (земной поклон)

И ныне и присно и во веки веков Аминь: Молите за ны святии Апостоли, святии вси, / да избавимся от бед и скорбей: / вас бо теплыя предстатели ко Спасу стяжахом. (земной поклон)

Под Твое благоутробие прибегаем, Богородице, / моления наша не презри во обстоянии, / но от бед избави ны, Едина Чистая, Едина Благословенная.

Молитва Святого Ефрема Сирина

Господи и Владыко живота моего, дух праздности, уныния, любоначалия, и празднословия не даждь ми. (земной поклон)

Дух же целомудрия, смиренномудрия, терпения, и любви, даруй ми рабу Твоему. (земной поклон)

Ей, Господи Царю, даруй ми зрети моя прегрешения, и не осуждати брата моего, яко благословен еси во веки веков, аминь. (земной поклон)

Честнейшую Херувим / и славнейшую без сравнения Серафим, / без исления Бога Слова рождшую, / сущую Богородицу, Тя величаем.

Слава Отцу и Сыну и Святому Духу и ныне и присно и во веки веков Аминь.
Господи помилуй, Господи помилуй, Господи помилуй, благослови:

Всесвятая Троица, единосущное Владычество, нераздельное Царство, Виновница всех благ! Благоволи же и о мне, грешном: утверди, вразуми сердце моё и удали от меня всякую скверну, просвети моё помышление, чтобы мне всегда славить, воспевать, поклоняться и восклицать: "Один Свят, один Господь, Иисус Христос, во славу Бога Отца". Аминь.



Псалом 50

Помилуй мя, Боже, по велицей милости Твоей, и по множеству щедрот Твоих очисти беззаконие мое. Наипаче омой мя от беззакония моего, и от греха моего очисти мя; яко беззаконие мое аз знаю, и грех мой предо мною есть выну. Тебе Единому согреших и лукавое пред Тобою сотворих, яко да оправдишися во словесех Твоих, и победиши внегда судити Ти. Се бо, в беззакониих зачат есмь, и во гресех роди мя мати моя. Се бо, истину возлюбил еси; безвестная и тайная премудрости Твоя явил ми еси. Окропиши мя иссопом, и очищуся; омыеши мя, и паче снега убелюся. Слуху моему даси радость и веселие; возрадуются кости смиренные. Отврати лице Твое от грех моих и вся беззакония моя очисти. Сердце чисто созижди во мне, Боже, и дух прав обнови во утробе моей. Не отвержи мене от лица Твоего и Духа Твоего Святаго не отыми от мене. Воздаждь ми радость спасения Твоего и Духом Владычним утверди мя. Научу беззаконныя путем Твоим, и нечестивии к Тебе обратятся. Избави мя от кровей, Боже, Боже спасения моего; возрадуется язык мой правде Твоей. Господи, устне мои отверзеши, и уста моя возвестят хвалу Твою. Яко аще бы восхотел еси жертвы, дал бых убо: всесожжения не благоволиши. Жертва Богу дух сокрушен; сердце сокрушенно и смиренно Бог не унижит. Ублажи, Господи, благоволением Твоим Сиона, и да созиждутся стены Иерусалимския. Тогда благоволиши жертву правды, возношение и всесожегаемая; тогда возложат на олтарь Твой тельцы.



В ПОНЕДЕЛЬНИК УТРОМ

Начальные молитвы (стр 2)

Вещественными образами бесплотных сил / возводимые к духовному и невещественному познанию, / и с трисвятою песнью принимая / сияние Сущего в трех Лицах Божества, / как Херувимы воззовем Единому Богу: / "Свят, Свят, Свят Ты, Боже наш: Предстательством бесплотных Твоих помилуй нас."

Слава Отцу и Сыну и Святому Духу: Со всеми небесными силами, / в Вышних Живущему как Херувимы воззовем, / трисвятую воспевая хвалу: / "Свят, Свят, Свят Ты, Боже наш, по молитвам всех святых Твоих помилуй нас!"

И ныне и присно и во веки веков Аминь: Восстав от сна, припадаем к Тебе, Благой, / и ангельскую песнь возглашаем Тебе, Сильный: / "Свят, Свят, Свят Ты, Боже, / по молитвам Богородицы помилуй нас!"

Пс 50 (стр 6)

Шестую седмицу поста имуще, предпразднственное пение, ваиа принесем Христу, грядущему нас ради всести на жребяти осли, языческое подклонити яко Царь безсловесие Родителю: ветви добродетелей Тому вси уготовим, яко да Воскресение Его радующесе узрим.

Слава Отцу и Сыну и Святому Духу, И ныне и присно и во веки веков Аминь:

Руце Твои божественнии, имиже Содетеля носила еси Дево Пресвятая, воплощенна Божеством, простерши умоли избавитися нам от искушений, и страстей, и бед, восхваляющим Тя любовью, и вопиющим Тебе: слава Всельшемуся в Тя: слава Прошедшему из Тебе: слава Свободившему нас Рождеством Твоим.

Слава Тебе Боже наш Слава Тебе

Светоносный праздник сряднем вернии, предпразднствующе его днесь светло, да живоносную сподобимся страсть видети.

Слава Тебе Боже наш Слава Тебе

Грядет, и идет Христос ко Иерусалиму яко Царь, сидя на жребяти осли, языческое подклонити безсловесие под ярем Отцу.

Слава Тебе Боже наш Слава Тебе

Отверзся преддверие Лазарева животвория: Христос бо грядет, яко от сна воздвигнути умершаго, поборити жизнью смерть.

Слава Тебе Боже наш Слава Тебе

Велия тебе похвала, о Вифание, яко Зиждителя странноприятя сподобилася еси, вопиющи: благословите дела Господня Господа.

Слава Тебе Боже наш Слава Тебе

Умерщвлен быв многими прегрешеньми, небрежения во гробе одержимь есмь, камень отчаяния имеяй надлежащий: егоже расторг Христе Твоею милостию, якоже Лазаря древле, ныне воскреси мя.

Благословим Отца и Сына и Святаго Духа, Господа:

Тя пресущная, трегубая Единице, совокупаемая в разделении зраком Лиц, Отца, и Сына, и Духа Божественнаго славим.

И ныне и присно и во веки веков Аминь:

Еже радуйся, вещаем Тебе со ангелом, яко воздвигла еси радость, Спаса мира: Егоже моли Дево Всепетая.

Окончание (стр 3)

В ПОНЕДЕЛЬНИК ВЕЧЕРОМ

Начальные молитвы (стр 4)

От стражи утренней до ночи, от стражи утренней да уповаает Израиль на Господа:

Многими прегрешении, и сластями жития, недугующую стяжах душу окаянный, и лежу на одре всегда лености, Владыко, и вопию Ти: Милостиве, пришед посети, здравие мне подая и милость, и не остави мя, да не когда усну в смерть, и возрадуется враг о погибели моей, иский всегда, Спасе, во адову глубину низвести мя.

Хвалите Господа все народы, восхвалите Его, все племена:

Немилосердому богатому в безумии поревновав, сладостно веселюся, сластями и страстями погружаяся. И видя лежаща всегда пред дверьми покаяния, якоже Лазаря ума моего, Господи, сего нечувственно прехожду, гладом же болезнующа, и острупляема страстями. Темже геенскому повинен есмь пламени, от негоже избави мя Владыко, едине Многомилостиве.

Ибо утвердилась милость Его на нас, и истина Господня пребывает вовек:

Господи, об ону страну Иордана, плотию проходя, прорекл еси Лазареву болезнь к смерти не быти, но о Твоей Бога нашего славе бывати. Слава величию дел Твоих, и вседержительству Твоему: яко низложил еси смерть, за многую милость Человеколюбче.

Слава Отцу и Сыну и Святому Духу и ныне и присно и во веки веков Аминь.

Свете тихий святяты славы, / Безсмертнаго, Отца Небеснаго, / Святаго Блаженнаго, Иисусе Христе. / Пришедше на запад солнца, / видевше свет вечерний, / поем Отца, Сына и Святаго Духа, Бога. / Достоин еси во вся времена / пет быти гласы преподобными, / Сыне Божий, живот даяй, / темже мир Тя славит.

Прокимен²: Призри на мя и помилуй мя. Стих: К Тебе Господи, воздвигох душу мою да не премолчиши о мене.

Притчи Соломоновы 19,17 - 25

¹⁷ Благоворящий бедному дает займы ГОСПОДУ, и Он воздаст ему за благодеяние его.¹⁸ Наказывай сына своего, доколе есть надежда, и не возмущайся криком его.¹⁹ Гневливый пусть терпит наказание, потому что, если пощадишь его, придется тебе еще больше наказывать его.²⁰ Слушайся совета и принимай обличение, чтобы сделаться тебе впоследствии мудрым.²¹ Много замыслов в сердце человека, но состоится только определенное ГОСПОДОМ.²² Радость человеку— благотворительность его, и бедный человек лучше, нежели лживый.²³ Страх ГОСПОДЕНЬ ведет к жизни, и кто имеет его, всегда будет доволен, и зло не постигнет его.²⁴ Ленивый опускает руку свою в чашу и не хочет донести ее до рта своего.²⁵ Если ты накажешь кощунника, то и простой делается благоразумным; и если обличишь разумного, то он поймет наставление.

Сподоби, Господи, в вечер сей без греха сохраниться нам. Благословен Ты, Господи, Боже отцов наших, и хвалю и прославлено имя Твоё вовеки. Аминь.

Да будет, Господи, милость Твоя на нас, как мы уповаем на Тебя. Благословен Ты, Господи, научи меня повелениям Твоим. Благословен Ты, Владыка, вразуми меня повелениями Твоими.

² стих из [псалмов](#), трёхкратно возглашаемый перед чтением Священного Писания

Благословен Ты, Святой, просвети меня повелениями Твоими. Господи, милость Твоя вовек, созданий рук Твоих не презри. Тебе подобает хвала, Тебе подобает пение, Тебе слава подобает, Отцу, и Сыну, и Святому Духу ныне, и всегда, и во веки веков. Аминь.

Душевреднаго лихоимства свободи Спасе, и с Лазарем убогим в недрах Авраамовых причти нас: Ты бо в милостех богат сый, волею нас ради обнищал еси, и от тли на нетление превел еси, яко милостив Бог, и Человеколюбец.

Слава Отцу и Сыну и Святому Духу и ныне и присно и во веки веков Аминь:

Избави нас от нужд наших, Мати Христа Бога, рождшая всех Творца, да вси зовем Ти: радуйся едино предстательство душ наших.

Окончание (стр 5)



ВО ВТОРНИК УТРОМ

Начальные молитвы (стр 2)

Вышним Силам подражая, мы, земные, / победную песнь приносим Тебе, Благой: / "Свят, Свят, Свят Ты, Боже: По молитвам Предтечи Твоего помилуй нас."

Слава Отцу и Сыну и Святому Духу: Несотворенное естество, всего Создатель, / уста наши отверзи, да возвестим хвалу Тебе, взывая: / "Свят, Свят, Свят Ты, Боже, / по молитвам всех святых Твоих помилуй нас!"

И ныне и присно и во веки веков Аминь: С постели и от сна Ты поднял меня, Господи! / Ум мой просвети и сердце, / и уста мои отверзи, / чтобы воспеть Тебя, Святая Троица: / "Свят, Свят, Свят Ты, Боже, / по молитвам Богородицы помилуй нас!"

Пс 50 (стр 6)

Начало спасения, Гавриилово провещание к Деве бысть: слыша бо, еже радуйся, не отбеже целования: не усумнеся яко Сарра в сени, но сице глаголаше: се Раба Господня, буди Мне по глаголу твоему.

Слава Отцу и Сыну и Святому Духу, И ныне и присно и во веки веков Аминь:

Мати Божия всевятая, стено христиан, избави люди Твоя обычно, зовущия Ти прилежно: противостани скверным и возносливым помыслом, да вопием Ти: радуйся Приснодево.

Слава Тебе Боже наш Слава Тебе

Волею обнищал еси, естеством богатый Христе: взалкал еси постився, насыщай всякое животно. Тем мя насыти алчущаго Твоя благодати, и покажи тамошня трапезы Слове общника.

Слава Тебе Боже наш Слава Тебе

Лазаря нищаго мя покажи грехов, Христе, и расточи богатство, еже зле собрах, и совершенное Твое любление Щедре исполнив, тамошняго избави мя мучения страшнаго.

Слава Тебе Боже наш Слава Тебе

Рыданием обложившися Лазаревы сестры, страсть Тебе ведетелю всех являют: но пребываеши мало, да воздвигнеши чудо, и покажеша учеником Твоим страшная.

Слава Тебе Боже наш Слава Тебе

Презрев Лазарева исправления, немилостиваго богатаго нравом позавидех: благоутробне Боже, обратив мя ущедри, да Тя славлю во веки вся.

Слава Тебе Боже наш Слава Тебе

Душевною болезнию одержимь, и умрети хотя отчаянием, Твоего Иисусе посещения требую, оживотворившаго Тебе призывающия.

Благословим Отца, и Сына, и Святого Духа, Господа.

Троицу Всесвятую во Отце, и Сыне, и Духе, воспевающе поем: благословите дела Господня Господа.

И ныне, и присно, и во веки веков. Аминь:

Неизреченное Твое Рождество вси поем Чистая, и чтуще Его яко Бога, благословим вся дела, яко Содетеля и Господа.

Окончание (стр 3)

ВО ВТОРНИК ВЕЧЕРОМ

Начальные молитвы (стр 4)

От стражи утренней до ночи, от стражи утренней да упоает Израиль на Господа:

Всеми прилоги лукаваго, многострастное мое сердце изнемогшее, гробу сносится уныния люте, и яко каменем покрывается нечувствием Спасе: древом живоноснаго Твоего Креста, вся сущия во аде ожививый, возстави мя, оживи, яко да страхом Твое славлю Божество.

Хвалите Господа все народы, восхвалите Его, все племена:

Богатство сластей тлетворных, лукаваго действием всегда возлюбих, суетно веселяся несмысленный: ума же презрех, яко Лазаря инаго, стенияща, алчуща Божественных брашен Слове, пламене будущаго избави мя Твоим благоутробием, яко да славлю Тя Человеколюбца.

Ибо утвердилась милость Его на нас, и истина Господня пребывает вовек:

Днесь издше Лазарь, и рыдает сего Вифания, егоже Спасе наш воздвизаеши от мертвых и предуверяеши другом Твоим, Воскресения Твоего страшное, адово умерщвление, и Адамово оживление: сего ради поем Тя.

Слава Отцу и Сыну и Святому Духу и ныне и присно и во веки веков Аминь.

Свете тихий святятыя славы, / Безсмертнаго, Отца Небеснаго, / Святаго Блаженнаго, Иисусе Христе. / Пришедше на запад солнца, / видевше свет вечерний, / поем Отца, Сына и Святаго Духа, Бога. / Достоин еси во вся времена / пет быти гласы преподобными, / Сыне Божий, живот даяй, / темже мир Тя славит.

Прокимен: Уста моя возглаголют премудрость, и поучение сердца моего разум.
Стих: Услышите сия вси языцы.

Притчи Соломоновы 21,3-21

³ Соблюдение правды и правосудия более угодно ГОСПОДУ, нежели жертва. ⁴ Гордость очей и надменность сердца, отличающие нечестивых,— грех. ⁵ Помышления прилежного стремятся к изобилию, а всякий торопливый терпит лишение. ⁶ Приобретение сокровища лживым языком— мимолетное дуновение ищущих смерти. ⁷ Насилие нечестивых обрушится на них, потому что они отреклись соблюдать правду. ⁸ Превратен путь человека развращенного; а кто чист, того действие прямо. ⁹ Лучше жить в углу на кровле, нежели со сварливою женою в просторном доме. ¹⁰ Душа нечестивого желает зла: не найдет милости в глазах его и друг его. ¹¹ Когда наказывается кощунник, простой делается мудрым; и когда вразумляется мудрый, то он приобретает знание. ¹² Праведник наблюдает за домом нечестивого: как повергаются нечестивые в несчастье. ¹³ Кто затыкает ухо свое от вопля бедного, тот и сам будет вопить— и не будет услышан. ¹⁴ Подарок тайный тушит гнев, и дар в пазуху— сильную ярость. ¹⁵ Соблюдение правосудия— радость для праведника и страх для делающих зло. ¹⁶ Человек, сбившийся с пути разума, водворится в собрании мертвецов. ¹⁷ Кто любит веселье, обеднеет; а кто любит вино и тук, не разбогатеет. ¹⁸ Выкупом будет за праведного нечестивый и за прямодушного— лукавый. ¹⁹ Лучше жить в земле пустынной, нежели с женою сварливою и сердитою. ²⁰ Возделенное сокровище и тук— в доме мудрого; а глупый человек расточает их. ²¹ Соблюдающий правду и милость найдет жизнь, правду и славу.

Сподоби, Господи, в вечер сей без греха сохраниться нам. Благословен Ты, Господи, Боже отцов наших, и хвально и прославлено имя Твоё вовеки. Аминь.

Да будет, Господи, милость Твоя на нас, как мы уповаем на Тебя. Благословен Ты, Господи, научи меня повелениям Твоим. Благословен Ты, Владыка, вразуми меня повелениями Твоими.

Благословен Ты, Святой, просвети меня повелениями Твоими. Господи, милость Твоя вовек, созданий рук Твоих не презри. Тебе подобает хвала, Тебе подобает пение, Тебе слава подобает, Отцу, и Сыну, и Святому Духу ныне, и всегда, и во веки веков. Аминь.

В багряницу самодержства боготканную, и в червленицу нетления одеявшись, о душе моя, свое достоинство поругала еси, богатство и наслаждение, грех сотворивши, и презираючи своего сплеменника, якоже презре нищаго Лазаря богатый. Но да не со онем мучена будеши, обнищай духом, и обнищавшему тебе ради Господеви возопий: багряницею поругания прежде распятия оболкийся, и наг на Кресте распныйся мене ради, Твоего Царствия одеянием, от стыда вечнаго Христе избави мя.

Слава Отцу и Сыну и Святому Духу и ныне и присно и во веки веков Аминь:

Меч пройде, о Сыне, Дева глаголаше, на Древе яко узре Христа висяща, Мое сердце, и терзает Владыко, якоже древле Симеон Мне предрече: но востани, и прослави безсмертне, Матерь и Рабу Твою, молюся.

Окончание (стр 5)



В СРЕДУ УТРОМ

Начальные молитвы (стр 2)

Троица единосущная и нераздельная, / Единство в трех и равно вечных Лицах! / Тебе как Богу мы возглашаем ангельскую песнь: / "Свят, Свят, Свят Ты, Боже: Силюю Креста Твоего сохрани нас, Господи».

Слава Отцу и Сыну и Святому Духу: Отца безначального, Сына собезначального, / Духа совечного – Божество единое / прославим [дерзновенно] как Херувимы, [возглашая]: / "Свят, Свят, Свят Ты, Боже, / по молитвам всех святых Твоих помилуй нас!"

И ныне и присно и во веки веков Аминь: Внезапно Судия придёт, / и дела каждого обнаружатся. / Но со страхом воскликнем в полночь: / "Свят, Свят, Свят Ты, Боже, / по молитвам Богородицы помилуй нас!"

Пс 50 (стр 6)

Днесь Лазарь умерый погребается, и рыдание поют сего сродницы, якоже провидец и Бог, страсть предрекл еси: Лазарь успе, учеником провещая, но ныне иду воскресити егоже создах. Сего ради Тебе вси вопием: слава державе крепости Твоея.

Слава Отцу и Сыну и Святому Духу и ныне и присно и во веки веков Аминь:

Честным Крестом Сына Твоего соблюдаеми Владычице Чистая Богородице, всякий прилог борителя, вси удобь отражаем. Темже Тя по долгу прославляем яко Матерь Света, и едину надежду душ наших.

Слава Тебе Боже наш, слава Тебе

Силюю Креста Твоего укрепив ум мой, изнемогший прилогми лукавыми, к хотению Твоему направи Господи.

Слава Тебе Боже наш, слава Тебе

Уныния дреманием, на одре спяща мя сластей воздвигни Господи, и Твоим страstem поклонника покажи.

Слава Тебе Боже наш, слава Тебе

Просветившися душами, постом чисты усрести пойдём Христа, ко Иерусалиму грядущаго плотию.

Слава Тебе Боже наш, слава Тебе

Днесь Лазарь умерый, не утаися всевидящаго ока Иисусова. Темже скажет сие учеником, вопия: Лазарь друг наш успе, воскресити его иду.

Слава Тебе Боже наш, слава Тебе

Во Иудею Господи паки ити рек, ученики устрашил еси, но дерзостно вопияше Фома: живот есть, идем, аще убо и умрем, абие оживем.

Благословим Отца, и Сына, и Святого Духа, Господа.

Триипостасная Единице, Отче, Сыне и Душе Живый, едино Божество, едино Царство, Тя хвалят незаходимаго Света ангельская воинства, и мы земнии поем, благословим, и превозносим во вся веки.

И ныне, и присно, и во веки веков. Аминь.

Се вси родове блажим Тя Пречистая, величия Твоя зряще: Ты бо раждаеши преестественно всех Творца Бога суща и Человека. Темже Тя благословим, и превозносим во веки.

Окончание (стр 3)

В СРЕДУ ВЕЧЕРОМ

Начальные молитвы (стр 4)

От стражи утренней до ночи, от стражи утренней да уповаает Израиль на Господа:

Богатый в страстех сый, прелестною лицемерия обложен есмь одеждою, веселяся в злых невоздержания, и безмерное немилосердие показую, презирая мой ум, пред дверьми поверженный покаяния, алчущий всякаго блага, и болящий невниманием моим: но Ты Господи Лазаря мя сотвори, нищаго грехами, да не како требуяй, не получу перста орошающа, болезнующу моему языку в негасимом огни: в недрах же патриарха Авраама всели мене, яко Человеколюбец.

Ибо утвердилась милость Его на нас, и истина Господня пребывает вовек:

Несытную любовь души Христа не отвергостесь святити мученицы, иже различныя раны страстей претерпевше, мучителей дерзость низложисте: непреклонну и невредиму веру сохранише, на небеса преставистесь. Темже и дерзновение получивше к Нему, просите даровати нам велию милость.

Хвалите Господа все народы, восхвалите Его, все племена:

Об ону страну Иордана плотию ходя Иисусе, с Тобою сущим вопил еси: друг Лазарь уже умре, и погребению ныне предадешся. Темже радуюся друзи Мои вас ради, да весте, яко вся вем, Бог сый непреложный, аще и являюся видимый Человек. Идем убо оживити его, яко да смерть ощути сего победу, и совершенное разрушение, яве е сотворю, подаю миру велию милость.

Слава Отцу и Сыну и Святому Духу и ныне и присно и во веки веков Аминь

Свете тихий святятыя славы, / Безсмертнаго, Отца Небеснаго, / Святаго Блаженнаго, Иисусе Христе. / Пришедше на запад солнца, / видевше свет вечерний, / поем Отца, Сына и Святаго Духа, Бога. / Достоин еси во вся времена / пет быти гласы преподобными, / Сыне Божий, живот даяй, / темже мир Тя славит.

Прокимен: Уста моя возглаголют премудрость, и поучение сердца моего разум.
Стих: Услышите сия вси народы.

Притчей Соломоновых 21,23 – 22,4

²³ Кто хранит уста свои и язык свой, тот хранит от бед душу свою.²⁴ Надменный злодей—кошунник имя ему— действует в пыли гордости.²⁵ Алчба ленивца убьет его, потому что руки его отказываются работать;²⁶ всякий день он сильно алчет, а праведник дает и не жалеет.²⁷ Жертва нечестивых— мерзость, особенно когда с лукавством приносят ее.²⁸ Лжесвидетель погибнет; а человек, который говорит, что знает, будет говорить всегда.²⁹ Человек нечестивый дерзок лицом своим, а праведный держит прямо путь свой.³⁰ Нет мудрости, и нет разума, и нет совета вопреки ГОСПОДУ.³¹ Коня готовят на день битвы, но победа— от ГОСПОДА.
22:1 Доброе имя лучше большого богатства, и добрая слава лучше серебра и золота. ² Богатый и бедный встречаются друг с другом: того и другого создал ГОСПОДЬ. ³ Благоразумный видит беду и укрывается; а неопытные идут вперед и наказываются. ⁴ За смирением следует страх ГОСПОДЕНЬ, богатство и слава и жизнь.

Сподоби, Господи, в вечер сей без греха сохраниться нам. Благословен Ты, Господи, Боже отцов наших, и хвалю и прославлено имя Твоё вовеки. Аминь.

Да будет, Господи, милость Твоя на нас, как мы уповаем на Тебя. Благословен Ты, Господи, научи меня повелениям Твоим. Благословен Ты, Владыка, вразуми меня повелениями Твоими. Благословен Ты, Святой, просвети меня повелениями Твоими.


Господи, милость Твоя вовек, созданий рук Твоих не презри. Тебе подобает хвала, Тебе подобает пение, Тебе слава подобает, Отцу, и Сыну, и Святому Духу ныне, и всегда, и во веки веков. Аминь.

Марфу и Марию вернии подражающе, ко Господу послем божественная деяния яко молитвы, яко да пришед наш ум воскресит, мертв лежащий люте во гробе лености нечувственный, страха Божественного никакоже ощущающий, и действ животных ныне не имущий, зовуще: виждь Господи, и якоже друга Твоего Лазаря древле Щедре, предстанием воздвигл еси страшным, сице всех оживи, подаяй велию милость.

Слава Отцу и Сыну и Святому Духу и ныне и присно и во веки веков Аминь:

Двоединствует Лазарь во гробе, сущия от века видит умершия, тамо зрит страхи странныя, множество неисчетное адовыми держимое узами: темже сродницы рыдают горько, предвидяще гроб его. Христос же идет оживити друга Своего, едино от всех совершити согласие: благословен еси Спасе, помилуй нас.

Окончание (стр 5)



В ЧЕТВЕРГ УТРОМ

Начальные молитвы (стр 2)

Песнь невещественных служителей Твоих / мы, смертные, приносить дерзаем, возглашая: / "Свят, Свят, Свят Ты, Боже: Молитвами святых апостол Твоих и святителя Николая помилуй нас.

Слава Отцу и Сыну и Святому Духу: Ныне как полки Ангелов на небесах, / и мы, люди, стоящие со страхом на земле, / победную песнь приносим Тебе, Благой: / "Свят, Свят, Свят Ты, Боже, / по молитвам всех святых Твоих помилуй нас!"

И ныне и присно и во веки веков Аминь: Безначального Твоего Отца, / и Тебя Христе Боже, / и Всесвятого Твоего Духа / дерзая прославлять, как Херувимы возглашаем: / "Свят, Свят, Свят Ты, Боже, / по молитвам Богородицы помилуй нас!"

Пс 50 (стр 6)

Двоеденствует днесь Лазарь умерый, и о сем проливают печали слезы сродницы, Мариа с Марфою, камень предвидящи гробный. Предста Зиждитель с Своими ученики, смерть пленити, даруяй живот. Темже вопием Ему: Господи слава Тебе.

Слава Отцу и Сыну и Святому Духу и ныне и присно и во веки веков Аминь:

Души моя страсти многоболезненные, и плоти моя недуги вскоре исцели: ума моего извращения постави Всенепорочная, и в тишине помышления, молитвы приноси чистыя Царю всех сподоби Богородице, и испросити грехов оставление.

Слава тебе Боже наш слава Тебе

Зарею вашего утешения, затворенных в сени греховней просветите, благочестно светоноснии вас восхваляющих апостоли.

Слава тебе Боже наш слава Тебе

Любовь с милосердием спрягше, и на умоление Христу вернии послати потщимся, яко да и нас воскресит от гроба тайных страстей наших.

Слава тебе Боже наш слава Тебе

Любве плотския не пошадим, умерщвлени душею, и любовию прилепимся Избавителю, яко да от адова нас избавит страшнаго осуждения.

Слава тебе Боже наш слава Тебе

Прорекл еси Лазарево успение, егоже по мале воздвиг, от ссущих цветоносящих приял еси хвалу, страсти Твоя Спасе мой образы.

Слава тебе Боже наш слава Тебе

Смерть начинает трепетати, еже к ней снития Твоего Христе ощущаючи: яко жизнь бо, тщетну сию показал еси концем.

Благословим Отца, и Сына, и Святого Духа, Господа.

Безначальным и рождеством же и происхождением, Отцу поклоняюся рождшему, Сына прославляю рождшася, воспеваю совозсиявша Отцу же и Сыну, Духа Святаго.

И ныне и присно и во веки веков Аминь

Егоже родила еси Дево несказанно, всегда яко Человеколюбца не престай молящи, да от бед спасет к Тебе прибегающия.

Окончание (стр 3)

В ЧЕТВЕРГ ВЕЧЕРОМ

Начальные молитвы (стр 4)

От стражи утренней до ночи, от стражи утренней да уповаает Израиль на Господа:

Апостольская двоица священнейшая, единаго Тя от Троицы ведущи Христе, ныне Тобою посылается, привести жребя подъяремнича сына, якоже писано есть: на немже смиряся всядеши Благоутробне, в вышних волею, седалище всем любящим Тя уготовляя, и в безсловесныя проникшия, умовредно Слове страсти, словесныя содеваеши, осанна Тебе зывающия.

Ибо утвердилась милость Его на нас, и истина Господня пребывает вовек:

Приими Сионе Царя, се тебе кротчайший волею предстанет, воскресивый Лазаря и разрушивый смерти горькое царство. Множество богособранное священных монахов, с простою чадио соберитесь, усрести с ваием Христа, зовуще: благословен Грядый спасти род человек, страстию Креста, и безстрастие всем подати за благодсть.

Хвалите Господа все народы, восхвалите Его, все племена:

На серафимех страшных, в вышних Христе носимый, яко Бог же, и всех Творец, Сам на жребя на земли всести идеши, яко сый по нам человечески. Вифания веселится, приимши Тя Спасе: Иерусалим радуется, яко чайя Тя прияти: смерть умертвися, предощутивши Лазаря, приити из мертвых: и мы с ваиами сретение совершающе в радости, воспеваим державу благодсти Твоя Господи.

Слава Отцу и Сыну и Святому Духу и ныне и присно и во веки веков Аминь

Свете тихий святыя славы, / Безсмертнаго, Отца Небеснаго, / Святаго Блаженнаго, Иисусе Христе. / Пришедше на запад солнца, / видевшe свет вечерний, / поем Отца, Сына и Святаго Духа, Бога. / Достоин еси во вся времена / пет быти гласы преподобными, / Сыне Божий, живот дай, / темже мир Тя славят.

Прокимен: Потерпи Господа, и сохрани путь Его. Стих: Не ревнуй лукавнующим, ниже завиди творящим беззаконие.

Притчей Соломоновых 23,15–24,5

¹⁵ Сын мой! если сердце твое будет мудро, то порадуется и мое сердце; ¹⁶ и внутренности мои будут радоваться, когда уста твои будут говорить правое.¹⁷ Да не завидует сердце твое грешникам, но да пребудет оно во все дни в страхе ГОСПОДНЕМ;¹⁸ потому что есть будущность, и надежда твоя не потеряна.¹⁹ Слушай, сын мой, и будь мудр, и направляй сердце твое на прямой путь.²⁰ Не будь между упивающимися вином, между пресыщающимися мясом;²¹ потому что пьяница и пресыщающийся обеднеют, и сонливость оденет в рубище.²² Слушайся отца твоего: он родил тебя; и не пренебрегай матери твоей, когда она и состарится.²³ Купи истину и не продавай мудрости и учения и разума.²⁴ Торжествует отец праведника, и родивший мудрого радуется о нем.²⁵ Да веселится отец твой и да торжествует мать твоя, родившая тебя.²⁶ Сын мой! отдай сердце твое мне, и глаза твои да наблюдают пути мои,²⁷ потому что блудница— глубокая пропасть, и чужая жена— тесный колодезь; ²⁸ она, как разбойник, сидит в засаде и умножает между людьми законопреступников.²⁹ У кого вой? у кого стон? у кого ссоры? у кого горе? у кого раны без причины? у кого багровые глаза?³⁰ У тех, которые долго сидят за вином, которые приходят отыскивать вина приправленного.³¹ Не смотри на вино, как оно краснеет, как оно искрится в чаше, как оно ухаживается ровно;³² впоследствии, как змей, оно укусит, и ужалит, как аспид;³³ глаза твои будут смотреть на чужих

жен, и сердце твое заговорит развратное,³⁴ и ты будешь, как спящий среди моря и как спящий на верху мачты.³⁵ "били меня, мне не было больно; толкали меня, я не чувствовал. Когда проснусь, опять буду искать того же". **24:1** Не ревнуй злым людям и не желай быть с ними,² потому что о насилии помышляет сердце их, и о злом говорят уста их.³ Мудростью устрояется дом и разумом утверждается,⁴ и с умением внутренности его наполняются всяким драгоценным и прекрасным имуществом.⁵ Человек мудрый силен, и человек разумный укрепляет силу свою.

Сподоби, Господи, в вечер сей без греха сохраниться нам. Благословен Ты, Господи, Боже отцов наших, и хвально и прославлено имя Твоё вовеки. Аминь.

Да будет, Господи, милость Твоя на нас, как мы уповаем на Тебя. Благословен Ты, Господи, научи меня повелениям Твоим. Благословен Ты, Владыка, вразуми меня повелениями Твоими. Благословен Ты, Святой, просвети меня повелениями Твоими.


Господи, милость Твоя вовек, созданий рук Твоих не презри. Тебе подобает хвала, Тебе подобает пение, Тебе слава подобает, Отцу, и Сыну, и Святому Духу ныне, и всегда, и во веки веков. Аминь.

Богатаго немилостиваго подобия, и неподатнаго нрава, избави мя Христе Боже, Крестом Твоим очищение грехов наших сотворивый: Лазаря же нищаго благодарственному терпению, ревнителя покажи, и недр патриарха Авраама не отчужди мене, великия ради Твоея милости.

Слава Отцу и Сыну и Святому Духу, И ныне и присно и во веки веков Аминь:

О преславнаго чудесе! о таинства новаго! о ужаснаго начинания! Дева глаголаше, на Кресте Тя яко виде посреде двою разбойнику обешена, Егоже неболезненно ужасно породила, плакаше глаголющи: увы Мне Чадо любезнейшее, како Тя лютый народ и неблагодарный ко Кресту пригвозди?

Окончание (стр 5)



В ПЯТНИЦУ УТРОМ

Начальные молитвы (стр 2)

Пению время и молитве час, / прилежно возопиим Единому Богу: / Свят, Свят, Свят еси, Боже наш: Силою Креста Твоего сохрани нас, Господи.

Слава Отцу и Сыну и Святому Духу: Изображать дерзая невещественные Твои воинства, / Троица безначальная, / устами недостойными зываем Тебе: / "Свят, Свят, Свят Ты, Боже, / по молитвам всех святых Твоих помилуй нас!"

И ныне и присно и во веки веков Аминь: Во чрево девственное вместившийся, / и недр Отца не покидавший, / с Ангелами и нас, Христе Боже, прими, зывающих Тебе: / "Свят, Свят, Свят Ты, Боже, / по молитвам Богородицы помилуй нас!"

Пс 50 (стр 6)

Двоица посылается ученик привести жребя, якоже писано есть, на неже Христос всед красен внидет, хвалу от младенец прияти Божественную. Сего убо срести идем тщательно, ветви добродетелей Тому приносяще деяний.

Слава Отцу и Сыну и Святому Духу и ныне и присно и во веки веков Аминь:

Дево Пренепорочная, Мати Христа Бога, оружие пройде Твою пресвятую душу, егда распинаема видела еси волею, Сына и Бога Твоего: Егоже благословенная молящи не престай, прощение прегрешений во время поста, нам даровати.

Слава Тебе Боже наш, слава Тебе.

На Кресте Господи Твоем уснув, преложил еси на сон Владыко смерть. Вопил бо еси: друг Лазарь успе, но пойдём возбудити его ныне.

Слава Тебе Боже наш, слава Тебе.

Пророк проповедания исполняя пророчения, в пророкоубийственный град Христе Щедрый пришел еси, убиен быти волею, убиенна мя тлею, спасая.

Слава Тебе Боже наш, слава Тебе. Се уготовася Христос предстати Иерусалиму, иже в горах вси и пустынях, соберитесь монаси, Того радостию усрести, со всею поднебесною.

Слава Тебе Боже наш, слава Тебе.

Грядущу Ти к Виффагии, топтание Твоих ног, враг ошущаше ад, и ногама Лазаревыма прикасашеся, глаголя: аще восхоцет звати тя жизнь, не обленися, но изыди: разумех бо мое разрушение вскоре.

Слава Тебе Боже наш, слава Тебе.

При дверех Христос, прочее Вифание не сетуй: в радость бо преложит плачь твой, твое воспитание воздвиг Лазаря из гроба, поюща и превозносяща Христа во веки.

Благословим Отца, и Сына, и Святого Духа, Господа.

Един Бог убо Троица, ни Отцу изступившу в сыновство, ниже Сыну пременившуся во исхождение: но свойственная и обое, Свет Бога три, славлю во веки.

И ныне и присно, и во веки веков, аминь.

Едина нетленная раждаеши, едина доиши Младенца небрачная, едина Зиждителя раждаеши и Владыку Твоего, аще и Матерь и Раба: Тя Дево Мати поем во веки.

Окончание (стр 3)

В ПЯТНИЦУ ВЕЧЕРОМ

Начальные молитвы (стр 4)

От стражи утренней до ночи, от стражи утренней да уповаает Израиль на Господа:

Душеполезную совершивше Четырдесятницу, и святую седмицу страсти Твоя, просим видети Человеколюбче, еже прославити в ней величия Твоя, и неизреченное нас ради смотрение Твое, единомудренно воспевающе: Господи слава Тебе.

Ибо утвердилась милость Его на нас, и истина Господня пребывает вовек:

Господи, Лазарев хотя гроб видети, волею хотяй во гроб вселитися вопрошал еси: где положите его? Уведев же, еже не неведал еси, и возглашал, егоже любил еси: Лазаре гряди вон. И послуша бездыханный, дыхание дающего ему, Тебе Спаса душам нашим.

Хвалите Господа все народы, восхвалите Его, все племена:

Господи, на гроб четверодневнаго пришел еси Лазаря, и над гробом слезы пролив, мертвеца четверодневна возставил еси, класе живота. Темже смерть связана бысть гласом: пелены разрешишася руками. Тогда радости исполнися множество ученик, и едино от всех служащеся согласие: благословен еси Спасе, помилуй нас.

Слава Отцу и Сыну и Святому Духу и ныне и присно и во веки веков Аминь.

Свете тихий святяты славы, / Безсмертнаго, Отца Небеснаго, / Святаго Блаженнаго, Иисусе Христе. / Пришедше на запад солнца, / видевше свет вечерний, / поем Отца, Сына и Святаго Духа, Бога. / Достоин еси во вся времена / пет быти гласы преподобными, / Сыне Божий, живот дай, / темже мир Тя славит.

Прокимен: Вознесися Господи, силою Твоею, / воспоем и поем силы Твоя. Стих: Господи, силою Твоею возвеселится царь. Вознесися Господи, силою Твоею, / воспоем и поем силы Твоя.

Притчей Соломоновых 31,8-31

⁸ Открывай уста твои за безгласного и для защиты всех сирот.⁹ Открывай уста твои для правосудия и для дела бедного и нищего. ¹⁰ Кто найдет добродетельную жену? цена ее выше жемчугов; ¹¹ уверено в ней сердце мужа ее, и он не останется без прибитка; ¹² она воздаст ему добром, а не злом, во все дни жизни своей. ¹³ Добывает шерсть и лен, и с охотою работает своими руками. ¹⁴ Она, как купеческие корабли, издалека добывает хлеб свой. ¹⁵ Она встает еще ночью и раздает пищу в доме своем и урочное служанкам своим. ¹⁶ Задумает она о поле, и приобретает его; от плодов рук своих насаждает виноградник. ¹⁷ Препоясывает силою чресла свои и укрепляет мышцы свои. ¹⁸ Она чувствует, что занятие ее хорошо, и— светильник ее не гаснет и ночью. ¹⁹ Протягивает руки свои к прялке, и персты ее берутся за веретено. ²⁰ Длань свою она открывает бедному, и руку свою подает нуждающемуся. ²¹ Не боится стужи для семьи своей, потому что вся семья ее одета в двойные одежды. ²² Она делает себе ковры; виссон и пурпур— одежда ее. ²³ Муж ее известен у ворот, когда сидит со старейшинами земли. ²⁴ Она делает покрывала и продает, и поясы доставляет купцам Финикийским. ²⁵ Крепость и красота— одежда ее, и весело смотрит она на будущее. ²⁶ Уста свои открывает с мудростью, и кроткое наставление на языке ее. ²⁷ Она наблюдает за хозяйством в доме своем и не ест хлеба праздности. ²⁸ Встают дети и ублажают ее,— муж, и хвалит ее: ²⁹ "Много было жен добродетельных, но ты превзошла всех их". ³⁰ Миловидность обманчива, и красота суетна; но

жена, боящаяся ГОСПОДА, достойна хвалы. ³¹ Дайте ей от плода рук ее, и да прославят ее у ворот дела ее!

Сподоби, Господи, в вечер сей без греха сохраниться нам. Благословен Ты, Господи, Боже отцов наших, и хвально и прославлено имя Твоё веки. Аминь.

Да будет, Господи, милость Твоя на нас, как мы уповаем на Тебя. Благословен Ты, Господи, научи меня повелениям Твоим. Благословен Ты, Владыка, вразуми меня повелениями Твоими. Благословен Ты, Святой, просвети меня повелениями Твоими.

Господи, милость Твоя вовек, созданий рук Твоих не презри. Тебе подобает хвала, Тебе подобает пение, Тебе слава подобает, Отцу, и Сыну, и Святому Духу ныне, и всегда, и во веки веков. Аминь.

С разбойники на Кресте пригвоздивыйся Христе Боже, и язвою Твоею человеческое естество исцеливый, не презри мене, в мысленных путедержатели, и в разбойники безплотных впадшаго, и добродетели от них совлеченнаго, и люте уязвеннаго, ни от единого же от преподобных исцелитися возмогшаго: исполу бо мертв есмь, кратчайший имея жизни останок, на Тя имеяй едину надежду, мертвым живот подающаго: но обвяжи ми струпы, Твою искапав мне благодать, единае Человеколюбче.

Господи, глас Твой разруши адово царствие, и слово власти Твоя возстави из гроба четверодневнаго, и бысть Лазарь пакибытия проображение спасительное. Вся возможна Тебе Владыко всех Царю, даруй рабом Твоим очищение, и велию милость.

Слава Отцу и Сыну и Святому Духу, И ныне и присно и во веки веков Аминь:

Душеполезную совершивше Четырдесятницу, возопиим: радуйся граде Вифание, отечество Лазарево. Радуйтесь Марфа и Мариа, того сестры, завтра бо Христос приходит, оживити глаголом умершаго брата: Егоже глас услышав, горький и несытый ад, страхом вострепетав, и вельми возстенав, отпустит Лазаря укройми обязана: Егоже чудеси собор еврейский удивився, с ваием и ветвми Того срящут, и явятся похваляющи дети, Емуже завидят отцы. Благословен грядый во имя Господне Царь Израилев.

Окончание (стр 5)

